

KSIP Kangaatsiaq

- § 1. Immikkoortorta qarfiup aqqa: **Kangaatsiami Sulinermik Inuussutissarsiuteqartut Peqatigiiffiat** naalisarlugu: **KSIP**
- § 2. Immikkoortorta qarfiup angerlarsimaffia: **KSIP, Postboks 533, 3955 Kangaatsiaq, mobil 299137**
- § 3. Immikkoortorta qarfik Sulinermik Inuussutissarsiuteqartut Kattuffiannut (SIK) ilaavoq.

Siunertaq suliassallu

- § 4. Immikkoortorta qarfiup siunertaraa suliassaralugillu suliffeqarfinni sulisut sinniisaat suleqatigalugit
- Immikkoortorta qarfiit allat SIK-llu ingerlatsivii allat, soorlu SIK-p allattoqarfia, kingunissalimmik suleqatiginerisigut ilaasortanut iluaqutissiinissaq.
 - Sulisartut aamma lærlingit/ilinniartut sumiiffimmiittut tamaasa ataatsimoortissallugit akissarsiatigut atorfeqarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqissisimanartunik angusaqarumalluni.
 - Isumaqatigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfinni eqquutsinneqartarnissaat sulissutigissallugu.
 - Ilaasortat suliffeqannginnerisa napparsimanerisalu nalaanni pisariaqartitaminnik ikiorneqartarnissaasa sulissutiginnissaat.
 - Sulifinni isumaqatigiinnginnerni, soorlu inunnut aalajangersimasunut tunngatillugu suliassani ilaasortat akuuffigisaanni, ilaasortat soqutigisaannik SIK-p allattoqarfia suleqatigalugu illersuissalluni.
 - Illoqarfimmi/nunaqarfimmi sulifinni sulisut sinniisaannik qinersisarnissaq qulakkiissallugu, aammalu sulisut sinniisaasa qinerneqartut aqqinik SIK-p allattoqarfianut ilisimatitsissuteqartassalluni.
 - Sulisut sinniisaasa suliaat pillugit sulisitsisunik isumaqatigiissutit malinneqarnissaat qulakkiissallugu.
 - Illoqarfimmi/nunaqarfimmi sulifinni sulisitsisut sulisut atugarisaat pillugit qanimut suleqatiginiassallugit.
 - Sulifinnik nutaanik pilersitsiniarnerit tapersersussallugit oqallinninnernilu tamatumunnga tunngasut eqeerimaarfigalugit peqataaffigissallugit.

Ilaasortat

§ 5. Ilaasortanngortinneqarsinnaapput kikkugaluartulluunniit SIK-p malittarisassaani § 3-mi piumasqaatinik naammassinnittut.

§ 6. Ilaasortanngorneq pissaaq immersugassamik immersuinikkut atsiuinikkullu. Ilaasortaajunnaarnek imaluunniit allannguutit taamatuttaaq nalunaarutigineqassapput.

Imm. 2. Ilaasortat nutaat immikkoortortaqrarfiup sulinera pillugu paasissutissinneqartarnissaannut siulersuisut akisussaapput.

Ataatsimeersuarneq

§ 7. Ataatsimeersuarneq tassaavoq immikkoortortaqrarfiimmi oqartussaasoq qullerpaaq.

Imm. 2. Ileqquusumik ataatsimeersuarneq ukiut marlukkaarlugit ingerlanneqartassaaq marsip qaammataa naatinngu kingusinnerpaamillu ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni ilimasaaruteqarnikkut ataatsimeersuariartoqqusisoqartassaluni.

Imm. 3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik, taakkulu ilaasortaanermut allattorsimaffimmi ilaanersut uppersarneqassaaq. Pisinnaatitsissuteqarluni imaluunniit allakkatigut taasisoqarsinnaangilaq.

§ 8. Ileqquusumik ataatsimeersuarnermi ullormut oqaluuserisassat ikinnerpaamik makkuninnga imaqaassapput:

1. Ataatsimeersuarnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutini kukkuneruukkani ilisimatitsissutitut saqqummiussineq
4. Siunnersuutit takkutut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Siulersuisunut qinersineq
 - a) Siulittaasussamik qinersineq
 - b) Siulittaasup tullissaanik qinersineq
 - c) Allatsimik qinersineq
 - d) Siulersuisunut ilaasortassanik marlunnik qinersineq, sinniisussallu marluk
8. taasariaqartut allat

- § 9. Ilaasortat immikkoortorta qarfirmut atassuteqartut tamarmik siulersuisunut qinigaasinnaapput.
- § 10. Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarnissaq kingusinnerpaamik ullunik 8-nik sioqqullugu. Ilaasortat § 7 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutit taamaattunik saqqummiussisinnaapput.
- § 11. Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiippata siunnersuut peerneqassaaq; taamaattorli inummik qinersineq ingerlanneqarpat qinersisoqaaqissaaq. Qinerseqqinnermi taasinerit malipiippata makitsinikkut qinersineq ingerlanneqassaaq.
- § 12. Ataatsimeersuarnermi SIK-p malittarisassaanut immikkoortorta qarfiullu nammineq malittarisassaanut akerliusumik aalajaniisoqarsinnaanngilaq, aalajangiinerillu pisassapput SIK-p ataatsimeersuarnerani imaluunniit nakkutillisoqarfimmi siulersuisuunerniluunniit aalajangiinerit ataqqillugit.
- § 13. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

- § 14. Immikkut ittumik ataatsimeersuortoqarsinnaavoq siulersuisuni amerlanerussuteqartut tamanna pisariaqartutut isigippassuk imaluunniit sulisut sinniisaasa pingajorarterutaasa ilaasortalluunniit pingajorarterutaasa atsiormikkut tamanna piumasarippassuk. Piumasarineqartoq ullormut oqaluuserisassatut siunnersuummik ilaqartinneqassaaq.

Imm. 2. Immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqqullugit najukkami atuagassiatigut nittarsaanikkut, taamaattoqarpat kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqqusumik ataatsimeersuarnissap tulliuttup tungaanut atuutissaaq.

Imm. 5. § 9 aamma § 11-13 tamattutaaq atorneqassapput immikkut ittumik ataatsimeersuarnermi.

Ilaasortat ataatsimiinnerat

- § 15. Ukiuni ataatsimeersuarfiunngitsuni ilaasortanik ataatsimiisitsisoqartassaaq. Ataatsimiinneq marsi naatinngu pissaq, sivikinnerpaamillu ullunik 14-nik sioqqullugu

ataatsimiigiaqqusisoqassaaq najukkami atuagassiami, taamattorqarpat, nittarsaanikkut kiisalu illoqarfiup/nunaqarfiup allagarsiiviisigut suliffeqarfinnilu allagarsiinikkut.

Imm. 2. Ilaasortat ilaasortanut akiliummik akiligassiissutaasimasumik akiliisimasut tamarmik ilaasortat ataatsimiinneranni oqaaseqarsinnaatitaallutillu taasisinnaatitaapput. Pisinnaatitsissuteqarluni imaluunniit allakkatigut taasisoqarsinnaangilaq.

§ 16. Ilaasortat ataatsimiinneranni ullormut oqaluuserisassat ikinnerpaamik makkuninnga imaqassapput:

1. Ataatsiminnermi aqutsisussamik imaqarniliortussamillu toqqaaneq.
2. Siulersuisut nalunaarutaat.
3. Naatsorsuutinik kukkunersiukkanik ilisimatitsissutitut saqqummiussineq.
4. Siunnersuutit takkuttut.
5. Ilaasortaanermut akiliutip aalajangersarneqarnera.
6. Missingersuutit akuerineqarnerat.
7. Taasariaqartut allat.

§ 17. § 10-13 taamatutaaq atorneqassapput ilaasortat ataatsimiinneranni.

Siulersuit

§ 18. Siulersuit immikkoortortaqarfiup ulluinnarni aqunneqarneranut akisussaasuupput, pisussaallutillu immikkoortortaqarfik SIK-p malittarisassai immikkoortortaqarfiullu nammineq malittarisassai naapertorlugit aqussallugu, soorlu siunertat suliallu § 4-mi taaneqartut sulissutigineqarnerat qulakkiissallugu. Taamattaaq siulersuisut malissavaat SIK-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu immikkortortaqarfiup ataatsimeersuarnerani aalajangiinerit.

§ 19. Siulersuisut nammineq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqartusaaq, kiisalu siulersuisut ataatsimiittarnissaannut sulisullu sinniisaannik ilaasortanillu ataatsimeeqatiginnittarnissaamik pilersaaruteqassallutik.

Imm. 2. Siulersuisut aalajangiisinnaassuseqarput siulersuisuni ilaasortat ikinnerpaamik pingasut peqataagaangata. Taasinerit naligiippata siulittaasup taasinera aalajangiisuusaaq. Siulittaasup peqanginnerani siulittaasup tulliata taasinera aalajangiisuusaaq.

Imm. 3. Siulittaasooq immikkoortortaqarfiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortamut allamut akisussaaffittut tunniunneqarsinnaalluni.

Imm. 4. Immikkoortortaqarfiup ulluinnarni allaffisornikkut ingerlanneqarnera pillugu siulersuisut pisariaqartunik aalajangiisassapput, tamatumani aamma allaffimmi sulisunik atorfinititsinerit soraarsitsinerillu pillugit aalajangiinernik.

Imm. 5. Siulersuisunut ilaasortat allaffimmilu sulisut ajunngitsorsiassaak akissarsiaqartinneqarnerallu missingersuusiami ataatsimeersuarnermi imaluunniit ilaasortat ataatsimiinneranni akuersissutigineqartumi allassimassapput.

§ 20. Siulersuisut ataatsimiinnerannit imaqarniliaq SIK-p allattoqarfianut nassiunneqassaaq ataatsimiinnerup kingorna kingusinnerpaamik sap. ak. 3 qaangiutsinnagit.

§ 21. Siulersuisunut ilaasortaqaq Naalakkersuisunut ilaasortatut toqqarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaqaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliasaminik isumaginnissinnaajunnaartutut nililiiguni, tanna siulersuisunut ilaasortaajunnaarniarluni aalajangersinnaavoq. Tamanna taamaallaat piffissamut killilimmut atuuppat, pineqartoq sulinngiffeqarallarnissamut akuerineqaannarsinnaavoq. Sulinngiffeqarallarnissamut akuerineqartoq siulittaasuuppat, siulittaasup tullia sulinngiffeqarallarnernerup nalaani siulittaasutut atuutissaaq. Sulinngiffeqarallarnissamut akuerineqartoq siulittaasup tullerippagu, siulersuisut aalajangiissapput siulersuisunut ilaasortaqaq sorleq sulinngiffeqarallarnernerup nalaani siulittaasup tulliatut atuutissanersoq. Sulinngiffeqarallarnissamut akuerineqartoq siulersuisunut ilaasortaappat siulittaasunngitsoq imaluunniit siulittaasup tulliuunngitsoq, siulersuisut aalajangersinnaapput sinniisussamik siulersuisunut ilaasortannortoqassasoq sulinngiffeqarallarnernerup nalaani atuuttussamik, qinersinermi § 8-mi nr. 7-imi taaneqartumi taaneqarnerpaasimasumik.

Imm. 3. Siulersuisunut ilaasortaqaq immikkoortortaqaqfiup aningaasaataanik atonerluisimasoq siulersuisunut ilaasortaajunnaarsinneqarsinnaavoq. Aningaasanik atonerluisimaneq ilaasortaajunnaarsitsinissaq pitinnagu kattuffiup kukkunerisuisuanit uppernarsaarneqassaaq. Aammattaq ilaasortaajunnaarsitsisoqarsinnaavoq siulersuisunut ilaasortaqaq paasissutissanik allagaatinilluunniit immikkoortortaqaqfimmuut ajoqutaasumik atonerqarsinnaasunik siulersuisunit akuerineqarnani ingerlatitseqqiisimappat.

Imm. 4. Imm. 1-3-mi taaneqartutut pisoqarnerani siulittaasoq siulersuisunut ilaasortaajunnaarpat siulittaasup tullia siulittaasunngussaaq ileqqusumik ataatsimeersuarneqarsissami tulliuuttumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput. Tamatuma peqatigisaanik siulersuisuni sinniisussa qinersinermi § 8-mi nr. 7-imi taaneqartumi taaneqarnerpaasimasoq siulersuisunut ilaasortatut atuutilissaaq.

Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqqusisoqassasoq piaarnerpaamik siulittaasussamik nutaamik qinersinissaq siuertaralugu.

Imm. 5. Imm. 1-3-mi taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornannit. Tamatuma peqatigisaanik siulersuisuni sinniisussa qinersinermi § 8-mi nr. 7-imi taaneqartumi taaneqarnerpaasimasoq siulersuisunut ilaasortatut atuutilissaaq.

Imm. 6. Imm. 1-3-mi taaneqartutut pisoqarnerani siulersuisunut ilaasortamik siulittaasuungitsumik imaluunniit siulittaasumut tulliuungitsumik siulersuisunit tunuartoqarpat siulersuisuni sinniisussaq qinersinermi § 8 nr. 7-imi taaneqartumi taaneqarnerpaasimasoq ilaasortanngussaaq. Sinniisussat arlallit amerlaqatigiinnik taaneqarsimappat, imaluunniit sinniisussat taasinertaqanngitsumik pinigaasimappata, kina siulersuisunut ilaasortanngussanersoq makitsissutigineqassaaq.

Aningaasaqarnej, naatsorsuutit aamma kukkunerisuiineq

§22. Immikkoortortaqaqfiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut immikkoortortaqaqfiup naatsorsuutai akuersissutigissavaat, taakkulu tamatua kingorna ilisimatitsissutitut ataatsimeersuarnermi imaluunniit ilaasortat ataatsimiinneranni saqqummiunneqassapput. Naatsorsuutit kukkunerisuiisumit SIK-p ataatsimeersuarnerani qinerneqarsimasumit kukkunerisiorneqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup kontuinut netbankikkut isersinnaanermut akuersissummik peqartussaalluni. SIK-p allattoqarfiata qaammatit tamaasa naatsorsuutitut allattttukkat anillatsillugit immikkoortortaqaqfimmu nassiutissavai.

Ataqqinaamik ilaasortat kiisalu ilaasortat soraarninngortut

§ 23. Ataqqinaammik ilaasortanngortitsineq taakkualu kikkusinnaaneri.

Imm. 2. Sulisartut utoqqalisut sulinerminni Kangaatsiami nunaqarfiinilu sulisartoqarnermut siuarsaanermut malunnaateqarsimasut, aammalu suliaminnit tunuarsimasut.

Imm. 3. Ataqqinaammik ilaasortassatut innersuussisinnaapput ilaasortat kikkulluunniit, imaluunniit sulisut sinniisaat kiisalu siulersuisunut ilaasortat.

Imm. 4. Ataqqinaammik ilaasortanngortinneqartut peqatigiiffiup sanatissimasaanik allangartamik tunineqartassapput, taannalu aningaasanik 500 kr.-nit ataasiartumik ilaqartinneqassaaq.

Imm. 5. Ilaasortat soraarninngortut ataasiaannartuik tunineqartassapput aningaasartaa siulersuisut namminneq aaliangertassavaat.

Imm. 6. Ataqqinaammik ilaasortat ilaasortallu soraarninngorlutik suliuunaarsimasut nalliuttorsionerni immikkut qaaqquneqartassapput.

Atsiornissamut maleruaqqusat aningaasanut akisussaassuseqarnej

§ 24. Immikkoortortaqarfik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaqaq ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiussinermi peqatigiiffik sinnerlugu siulersuinut ilaasortat tamarmik atsiorqataassapput.

Imm. 2. Immikkoortortaqarfimmut ilaasortat immikkoortortaqarfiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq

§ 25. Malittarisassat taamaallaat ataatsimeersuarnermi 2/3-mik amerlanerussuteqartunit allanngortinneqarsinnaapput, tassani allanngortitsinissamut siunnersuut ullormut oqaluuserisassani allasimassalluni. Malittarisassat taakku minnerpaamik imaqaassapput aalajangersakkanik immikkoortortaqarfiit malittarisassaanni nalinginnaasuni SIK-p ataatsimeersuarnerani akuersissutigineqarsimasuni allasimasunik.


Imm. 2. Malittarisassanik allanngortitsinerit ataatsimeersuarnermi akuersissutigineqarnerminnik atuutilissapput.


§ 26. Immikkoortortaqarfimmit atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisassani allasimassalluni, ataatsimeersuarnermilu peqataasut 2/3-isa siunnersuut akuerippassuk.


Imm. 2. Atorunnaarsitsinermi immikkortortaqarfik akiitsoqarpat taakku akiligassaqaqfinnut akilerneqassapput. Pigisat sinneruttut, tassunga ilanngullugit allattaaviit protokolit, imaqarniliat il.il., SIK-p allattoqarfianut tunniunneqassapput.

Ataatsimeersuarnermi allannguutai akuersissutigineqartut ulloq 16. maj 2023


Åge Møtzfeldt
Siulittaasoq


Sakarias Siegstad
Siuittaasup tullia


Karen Filemonsén
Allatsi


Inuk Alaufesen
Siulersuisunut ilaasortaqaq


Karen Berthelsen
Siulersuisunut ilaasortaqaq